

Traffic

- Il **traffich privat motorisà** è in dals impurtants chaschunaders da l'impestaziun da l'aria e da la contaminaziun dal terren.
- Ils **custs resultants** dal traffich privat (custs socials, medicinals ed ecologics) èn da calcular pli exact e d'adossar al traffich privat.
- Nus postulain ad interim in **stop da construcziun per vias naziunalas**.
- Nus sustegnain tuttas stentas per **democratisar** la construcziun da vias (votaziuns dal pievel per novas vias, etc.).
- Il **traffich public** è da promover cun tuts meds, surtut er cun investir daners ord il dazzi sin carburants en il traffich public e cun contribuiziuns federalas.
- Nus sustegnain da princip l'idea dal «**bonus ecologic**».

Energia

- Fin oz è la **politica d'energia** sa stentada da cuntentar la dumonda per energia. Il consum d'energia crescha – gist er perquai ch'energia vegn sfarlattada – dad onn tar onn. Oz duvrain nus 2½ giadas dapli energia che 1960! La consequenza: la producziun da raubas e la mobilitad creschan pli e pli. Quests fatgs e la producziun augmentanta d'energia chargin pli e pli fitg l'ambient.
- Spargnar energia e smetter da sfarlattar energia èn oz mesiras urgentas. Per **animar ed obligar da spargnar energia** ston le schas vegnir fatgas cun impuls che stimuleschan da spargnar energia.

- La **prescrutaziun d'energias** che sa cumportan cun l'ambient sto vegnir promovida.
- La quota dals **portaders d'energia fossils** (ieli) sto vegnir diminuida anc pli fitg.
- Per la producziun d'electricitad èsi da tschertgar vias per pudair **renunziar sin l'energia nucleara**. Na als implants nuclears da Kaiseraugst e Graben.
- En il Grischun en las auas da tut las valladas principalas gia utilisadas per la **forza d'aua**. Per quai motiv esi nairas uras che la regenza elavuria in concept per l'explotaziun da la forza d'aua e per lingias d'auta tensiun.

Turissem

Tenor Jost Krippendorf resta il turissem ina da las industrias ch'empermetta il pli grond creschament. «Die Antriebsmotoren Wohlstand, Verstärkung, Motorisierung und Freizeit werden das Volumen bis zur Jahrtausendwende voraussichtlich verdoppeln.»

Mesiras per cuntanscher che quest turissem supplementar daventia in schanza e betg ina smanatscha:

- Il turissem sto vegnir purtà **da la populaziun indigena**:
 - Hotels, abitaziuns privatas enstagl segundas abitaziuns,
 - atmosfera empernaivla enstagl tractament anonim (persunal indigen, manaschis da famiglia).
- Dipendenza unilateral è d'evitar tras:
 - equiliber stad – enviern
 - promoziun d'ulteriuras branschas.
- **Naginas infrastructuras surdimensiunadas**. Ellas creschan sforzs inevitabels.

Eleccziuns dal Cussegl naziunal 1987

ACCENTS DAL PROGRAM

Glista libra burgaisa

7



Economia


- Sulettamain in ambient intact garantiescha a lunga vista ina **economia sauna**.
- Il svilup economic sto sa drizzar tenor ils **cunfins da la natira** sauna e tenor las forzas da lavur indigenas.
- Cun promover manaschis pitschens e mesauns pon ins er **mantegnair en las regiuns dapli piazzas da lavur** variadas.
- **Quel che fa il donn paja:** quai duai esser in princip consequent. Quest princip prentenda taxas per l'ambient ed avantatgs fiscals sco er limitas maximalas per substanzas nuschaiulas. En cas da donn vid l'ambient duai il chaschunader purtar las consequenzas.
- Per products che chaschunan donns da l'ambient per producir e/u dismetter sto il producent pajar ina **taxa speziala**.
- Il **terren** è in bain unic e nunreproducibel. Augments da valur entras mesiras dal maun public (metter en zonas, e.a.) duain ir a favur dal generalesser.

Agricoltura

- La politica agrara ha la finamira da **segirar l'existenza dals bains purils** da famiglia, en spezial dals pitschens bains en territoris da muntogna.
- **Signals da la fiera** èn da considerar meglier.
- **L'agricultura ecologica** duai vegnir promovida tras scolaziun, cussegliaziun, surveglianza e cun sustegn finanziel (p.ex. emprests senza tschains)
- L'applicaziun da pestizids e da grascha artificiala duai vegnir reducida entras **taxas spezialas** per tals products.
- Per evitar lungas **vias da transport** cun effects negativs per l'ambient ston las distanzas tranter producent e consument vegnir reducidas (promover fieras regiunalas)
- Victualias saunas e producidas ecologicamain èn da distinguer en il pretsch dad ulteriurs products. Il pur vegn pajà per la **qualitad** da ses products.
- La **surfatscha utilisabla per l'agricultura** sto vegnir mantegnida en sia dimensiun e tenor pussaivladad vegnir augmentada.

Societad

- Dapli rauba da consum n'augmenta betg la **qualitad da viver**.
- La tgira da **la sanadad publica** ha da procurar per cundiziuns da viver saunas. La tgira da malsauns ordaifer il spital è da promover.
- Per realisar l'idea dal partenadi tenor il nov dretg matrimonial duain dapli **plazzas da lavur parzialas qualifitgadas** vegnir creadas.
- **La planisaziun dal territori e la politica regionala** duain avair la finamira da reducir las distanzas tranter dimora, piazza da lavur e spazis da recreaziun.
- Per **minoritads periclitadas** sco asilants, refusaders da servetsch per motivs da conscienza, parlars, e.a. sto vegnir creà in clima da chapientscha e stima.
- La proxima **revisiun da l'AVS (assicuranza da vegls e survivents)** sto avair la finamira da realisar ils medems dretgs per um e dunna, q.v.d.: flexibilisar ed adattar la vegliadetgna da pensiunament sco er segirar il dretg individual sin la renta independentamain dal stadi civil.
- La **giuventetgna** sto vegnir consultada e respectada pli savens, q.v.d.: dretg da votar cun 18 onns, consultaziun en dumondas politicas, congedi per lavur da giuventetgna.




Hans Casper Trepp-Guetg

1941, dr. med. vet.

Casti/Tiefencastel

maridà, ina feglia e dus fegls

Veterinari a Casti/Tiefencastel. Coniniziant da la corporaziun GRAN ALPIN. S'engascha per ina producziun agrara che protegia l'ambient ed è confurma ed adattada al terren e lieu da producziun. Entras ses contact quotidian cun la populaziun purila sa el differenziar utopias da realitad.



Josef Andreas Capol-Heinze

1939, dr. med. FMH

Zebras

maridà, dus fegls

Maina ina praxis per medischina interna a Landquart. Durant 8 onns commember dal cussegl grond grischun, nua ch'el è s'engaschà consequentamain per mantegnair nossa basa da viver natirala. El è conscient che la politica da l'ambient sto er resguardar ils interess dal bainstar social, da las plazzas da lavur e da la libertad persunala.

- Nus essan da l'opiniun ch'ils umans n'han nagin dretg da surduvrar l'ambient natiral e social egoisticamain e ch'igl è priulus da crair sulettamain en las pussaivladads da la tecnica.
- Nus ans engaschain per mantegnair la natira, la libertad e la pasch sociala.
- Nus postulain ina politica dal sa restrenschier, da responsabladad per la cuminanza e da respect per la creaziun.
- Nossa persuasiun sa reflectescha en nossa lavur politica e sociala, per nus in servetsch a la cuminanza.
- Ina correctura da la politica actuala è necessaria. Votai perquai cun **glista 7**.

Las candidatas ed ils candidatats da la Glista libra burgaisa

Perquai che naginas gruppas d'interess fermas da finanzas stattan davos nus, essan nus dependents da contribuziuns finanzialas. Grazia fitg. Nossa banca: Cassa Raiffeisen, Casti/Tiefencastel, PC 70-3768-9, code «Glista 7».



Maria von Ballmoos-Wehrli

1943, dipl. fil. II, biologa, deputada
Tavau
maridada, quatter fegls

Durant 6 onns commembra dal «Landrab» da Tavau, da quels 3 onns en il «Kleiner Landrab» (suprastanza communal). Presidenta dal comité d'iniziativa «Gewaltentrennung Davos» e coordinatura da la revisiun da la planisaziun locala a Tavau. S'engascha per mantegnair ils dretgs democratics da la populaziun.



Rico Falett-Giacomelli

1941, magister real
Sent/Bravuogn
maridà, duas feglias

Durant la stad guardian dal Parc naziunal. Col-lavuraziun en divers gremis da la vischnanca, da la plaiu, da la regiun, dals magisters, dal moviment rumantsch, dal chant e da la scola da musica. Recreaziun en il sport, en la musica ed en il curtin biologic. Engaschament a favur d'in svilup cun resguard sin la natira en muntogna.



Rita Cathomas-Bearth

1949, publicista, cussegliera communal
Cuira/Rabius
maridada, dus fegls

Dapi plirs onns cussegliera communal a Cuira. Presidenta e mainafatschenta da la Lia grischuna per la protecziun da la patria. Commembra da la suprastanza da la Centrala grischuna da dunnas. Derschadra da giuvenils. Ses engaschament per la protecziun da la patria e da l'ambient e per la tgira da la cultura en general succeda cun l'intent da crear in conturn nua che mintgin sa senta da chasa!